

KERATAN AKHBAR

TARIKH : 25 JULAI 2023
AKHBAR : BERITA HARIAN
MUKA SURAT : 11

Usah perlekeh TVET hanya untuk pelajar lemah akademik



Oleh Dr Siti Sabihah Ghazali
bhrencana@bh.com.my

Pensyarah Kanan
Jabatan Asas
Pendidikan, Fakulti
Pengajian
Pendidikan, UPM

Agenda Pemerkasaan Pendidikan Teknikal dan Latihan Vokasional (TVET) dalam Rancangan Malaysia Ke-12 (RMK12) adalah satu inisiatif bagi memastikan TVET terus diperkasa dalam sistem pendidikan negara, selari dengan Revolusi Industri 4.0 (IR 4.0).

Antara kaedah diguna pakai untuk melakukan transformasi TVET adalah melalui penjenamaan semula. Dalam usaha kerajaan memperkasaan TVET, antara perkara tunjang perlu diberikan keutamaan adalah institusi TVET ditransformasi dari segi tadbir urus dan keupayaannya berinteraksi serta mewujudkan jaringan dengan industri.

Institusi TVET seharusnya mampu berdiri sama seperti institusi pendidikan tinggi (IPT) lain yang boleh melakukan pelbagai perubahan, menyumbang kepada industri dan autonomi dalam tadbir urus. Contohnya, penawaran dan perkongsian kepakaran boleh dijadikan sebagai satuan landasan mutu mewujudkan jaringan dengan industri.

Penerapan Pembelajaran Berasaskan Pekerjaan (WBL) perlu menjadi jambatan menghubungkan antara institusi TVET dengan industri bagi memastikan kebolehpasaran graduan TVET menepati kehendak industri dan isi membatikan kualiti graduan TVET boleh diatas.

Usaha melakukan transformasi TVET dengan mengiktiraf profesionalisme dan tenaga pengajarinya menerusi kerjasama Lembaga Ahli Teknologi Malaysia (MBOT) dan pembangunan Sistem eProfil Pengajar TVET (TiPS) adalah usaha boleh membantu mengajak TVET dan meletakkannya antara institusi pendidikan diyakini melalui pengemasinan kurikulum setara kehendak global.

Namun, isu seperti mesin usang dilihat sebagai

perencatan kepada usaha mentransformasikan TVET kerana sebagai peneraju pendidikan berasaskan kemahiran, seharusnya kelengkapan seperti mesin dan bahan bantu-mengajar lain adalah setara serta mengikut kepentasan teknologi seperti mampu megejar kepintaran buatan (AI) yang sedang hebat menguasai pasaran.

Jika institusi TVET hanya menyaksikan kerakan perubahan dalam industri tanpa turut sama bergerak seiring perubahan teknologi, transformasi TVET pasti sukar mencapai objektifnya.

Institusi TVET perlu keluar zon selesa

Objektif pengenalan TVET adalah untuk memenuhi keperluan industri, sekali gus menyumbang kepada pertumbuhan ekonomi bergerak laju setara dengan kehendak globalisasi dan ekonomi berturut-turut pengetahuan serta kemajuan teknologi.

Jelas menunjukkan institusi TVET perlu keluar dari zon selesa dan mula mewujudkan jaringan

dengan industri dalam skala makro bagi memastikan objektif penubuhannya tercapai. Jika kaedah ini dilaksanakan mengikut landasan sesuai, mentaliti ‘menganaktirikan’ TVET sebagai pendidikan untuk murid tidak cemerlang akademik akan terhapus.

Selain itu, TVET perlu kembali diperkasa dalam ekosistem asal pendidikan iaitu di sekolah terutama sekolah rendah. Ini kerana, dalam usaha menyemai minat dan menarik mentaliti masyarakat berkaitan TVET, asas pendidikan iaitu di sekolah rendah perlu diperkuuh, ditambah baik dan diberikan penekanan.

Dalam pada itu, autonomi kepada guru atau pengajar TVET dalam sistem pendidikan perlu diwujudkan dengan memberikan perhatian dan dikaji semula seiring dengan kepentasan teknologi berlaku kini. Apa yang dibuat oleh institusi TVET tidak setara dengan arus kemunculan teknologi akan membunuh minat murid dan pelajar mengenal TVET.



TVET perlu kembali diperkasa dalam ekosistem asal pendidikan.

(Foto hilas)